

PETORO II

Petore papia II i Petoro e jahac me mitinjic âgo-ticne moczi Petore zâneo âkehotahuc qârenkewec i mi mana sanangkengopenej. Petorozi Asia mârenj masunao Jesure kikefunfâc jurambij jagere papia namba I qârenkeme mi zorame jagerao mitire mumusifuc gic fisirâ ziguc jazambij: Miti qâricnezi akadân âkehockeme arictac ewecte juju kosa juzo. Iguc murâ dâj moc ziguc mumbij: Jesu e mocwâc mi fisizokac, e fesanañ fewec hâcne. Ere wonjec manggânko mi juzo, behezo. Mumusifuc dâj i muhuc sasac mamakâc embij. Ehuc gic gîokac qazu-jarezo mumbij. Eme Petoro e jahac me mitinjic moczi irec dâj manarâ ugdân qârenke-jarewec hâcne.

Qârenjic e mitire fârine jagerao fua qârânkeocte bufac qajarewec (ganj 1:3-11). Ehuc wiac hone manac eweczi miti mana sarickehuc muwec. Eme hâmoc damen-ticne bembenkewecte zi mimic uñ sawañ ejarewec (ganj 1:12-21). Erâ mumusifuc â sasac gic jagere fuñne ritu-jâmbânkewec (ganj 2). Â Wofuñ fifisi-ticnere fuñne mujanggenkehuc qârenkewec (ganj 3).

Mumuzâwe â jambuñdân

1 Simon Petoro, Jesu Kristore kijañ qaqa â aposolo noni, Anutu â bâbâpiañ-nâñec Jesu Kristo tiñne-ticnere erâ mamasasiñ furi sâko tahac-nâpokicne ijañ gâre tahac ekicne, gîoñ papia zi qârenke-garekopac. ² Gîoñ Anutu â Wofuñ-nâñec Jesu mana mañ epie gîogerao aki anonoc â wama qanqan qâriañ fuahuc fozejec.

Mitire fârine bâfua rahuc juzo

³ Jesu e tatamac â tâpiri-ticnezi hefârec-nâpome hone zâñitac ecnepene sahacte â manje dope sasawa i Anutu tâpiri-ticnezi bâfua-nârewec. ⁴ Iguc erâ dâj biñe fekicne furi sâko nâre tahac ewec, i mankepene irec fârine nânâcnao fuame mârenko sasecte sisipiric fokac i râpeckerâ Anuture hawari qârenfâc enañmu. ⁵ Irece gîoñ mamasasiñhec jungopiente zoqac epie tiñne juju-geñic fuazejec, tiñne jujuzi mamana bâfuazejec, ⁶ mamasazi manje sowa bâfuazejec, manje sowazi sasanâñ bâfuazejec, sasanânzi miti nunumure aafec bâfuazejec, ⁷ miti nunumure aafeczi ââgo juju bâfuazejec, ââgo jujuzi manjañ bâfuazejec. ⁸ Wiac i sasawa gîogerao fohuc fua qârânkeme Wofuñ-nâñec Jesu Kristo mana mañ eniñte giene bapie fârimâc mi eocmu. ⁹ Moc e wiac i tâmiric juocmu, ere ziguc muzo: E zâñe tiñtuñ â mañmutuc, mârâc zure bâpiañ ecnekicne irec nikeckewec. ¹⁰ Âgofâc, gîoñ irec hâcne samarierâ, bâwosâec-goparâ hefârec-gopakicne i fârinehec eocte sasanâñ bâfuanzepien. Gîoñ iguc erâ docke pârac tâmiric sâcne juningmu. ¹¹ Iguc epie juku Wofuñ â bâbâpiañ-nâñec Jesu Kristozi enareme ere juju sanante uucmañko ququñke tâmiric hata aañko rañiniñmu.

Petoro e hâmoc-ticnere manawec

¹²Ŋonge wiac i sasawa qazu-ŋarekicne â dâŋfario keteg-ŋopakicne domangopien, i manahuc sifu dâŋ ijaha heqâre-ŋarehuc jupemu. ¹³Sahac boze-nanehec juhuc sâc dâŋ i manasu-ŋarehuc wiwic-ŋopapê sâckeocmu. ¹⁴No boze-nane biac hetarapemu i manakopac, dâŋ i Wofuŋ-nâŋec Jesu Kristozi mufua-narewec. ¹⁵Erâ behec-ŋopape ŋonge dâŋ i qâreme qâre mana rahuc junigte emoc bâmoc egarepemu.

Petoro e bapa fuŋfuŋ juhuc wiac hone manac ewec

¹⁶Nâŋe Wofuŋ-nâŋec Jesu Kristo tâpiri-ticnere â fifisi-ticnere dâŋ ŋazamben, i nemu binan ŋic mamanao fuakicne mi ŋazamben, nâŋe bapa fuŋfuŋ domahuc Wofuŋ tatamac-ticne fuame honemben. ¹⁷Ine Anutu Mamaczi eri mumuteg râcnehamê sambân tatamackonec erao dâŋ ziguç wahawec: "Joroc Ŋokâ-nane keci hâcne, no hone aŋac ecneekopac." ¹⁸Nâŋe ehêc mâmâc tiri tikio juhapene dâŋ i sambânkonec wahame manamben. ¹⁹Eme nâŋe irec porofete jaŋere dâŋ manapene fârine jâmbân eekac, izi zoclambe iŋucne erâ dapâcko tamaeekacte ŋonge ira zâŋe fihuc juhapie hae fure-fârezejec â manŋenicko bâpiŋ sâkozi wefuzejec. ²⁰Erâ qanaŋ moc ziguç mana-hâmonzepien: Findaŋdâŋ miti papiao qâreŋkekicne fokac irec fuŋne i ŋic moczi e jahacne maŋte mi mumune. ²¹Findaŋdâŋ i ŋiczi manasu biric erâ moc mi mukicne, ŋic jaŋe Tiri Mârozi fenzoŋ-jopame Anuturaonec dâŋ mujmbien.

Miti bâbâsifuc ŋic jaŋere dâŋ

2 Israe ŋic jaŋerao porofete burecne i wâc mâmâc luarâ jumbiŋ, eme ŋoŋerao iŋuc jaha qaqazu burecne fuanigmu. Jaŋe mitire muŋusifuc bâfuapie ŋoŋerao fâfâuc fuaocmu, erâ Wofuŋ kiwiriç-jegic rowec e micke-nigmu. Iŋuc epie sisipiric qeŋfâfâc jaha fisi-jareocmu. ²Ŋic i jaŋe sasac gie bapie bocjahazi honerâ bâjâpec-jopanigmu, eme jaŋere erâ miti hata susure fuaocmu. ³Erâ wâc moneŋ mafare andac ehuc maŋko fuac dâŋzi eatuc-ŋopahuc wiac-ŋenigte kâŋgâc gie banigmu. Jaŋere okacne dâŋ esecne mukicne i mi pârawewec, â sisipiric-jegic i micmân mi ewec.

Ŋic mârâc jaha okacne fisi-jarewec irec dâŋ

⁴Anutire manaengopeneŋ, e aŋelo sâqorekicne jaŋe mi akic-jopawec, aricne, e hârâcko tunjopame duŋdapâcko humbiŋ, ira okac dameŋte wogec foengopien. ⁵E mârâc sasac jaha ŋic â wiac sasawa mi akic-jopawec, mâc Noa, tigne jujure biŋe mumu, erâ ŋic ŋokac 7 jaŋe sawa ŋezic-jopame qâricne juhapie ŋic sâqocne jaŋerao rumi sâko fisiwec. ⁶Erâ Sodom â Gomora hae iŋuc jaha sirowenigte mume zoczi zacjofawec, i ŋic sâqocne zâhec luarâ junigmu jaŋere uŋ muhuc iŋuc ewec. ⁷Erâ wâc mitigic Loti e sindaŋŋic jaŋe wiac mamakâcne mimi tâmiric ehuc jupie irec buzâic mana-

1:12 Jud 1:5 1:13 Kor II, 5:1 1:14 Joh 21:18, 19 1:17 Mat 17:5 1:21 Tim II, 3:16, 17
2:1 Mat 24:11; Tim I, 4:1; Sâc 13:1; Jud 1:4 2:2 Jes 52:5 2:3 Rom 16:18; Kor II, 9:5; Tes I, 2:5
2:4 Fuf 6:1; Jud 1:6 2:5 Pet II, 3:6; Fuf 8:18 2:6 Fuf 19:24; Jud 1:7

huc juhame ɣezickewec. ⁸ Loti e mitiheczî jagere ɣondenko juhame jaje sindaɣ hâindaɣ epie zoaɣne zoaɣne hone manac ehuc maɣne sisi hâhân wemo afecne ewec. ⁹ Wofuɣ eki ine ɣic mitiheczî eesâic docko roroɣ sasapeç ejareekac â miti tâmiric jaje okac damenko zâic gie mujareocte kâpâcwârû bacjopaekac. ¹⁰ Ɔic maɣjeniczi sasecte bâruɣkeme sohoɣ nâ ruac ehuc Wofuɣ â ɣic fekicne ro waha âte ejareengopien jaje hâcne kâpâcwârû sananɣe bacjopaocmu. Ɔic igucnezi hâhâwic tâmiric mukac mupe ehuc tatamachec jaje wâc musuac-jopaengopien.

Miti beherâ sasecko sipirickezo

¹¹ Iguc ehapie aɣelo jaje ine sasanɣ â tâpiri fuɣmoc fojarekaczi Wofuɣte maio mi mugâpâre-jareengopien. ¹² Ɔic izi hâcne maɣ tâmiric, qowi qa nâc ejareengopenen jaje igucne. Jaje wiac fuɣne kâuc baengopien i kosa musuaengopien; irec qowi sisipiric sipirickenigmu, ¹³ ehuc hehesic-jenigte furine ronigmu. Jaje zoaɣ qaqaçko tiwâ zepec â gae wowozi zeri-jenig eekac. Mamakâcne â maɣwânân ɣânkerâ juju, zege hârocko hefârec-ɣopahuc bâbâsifucte eeatuc-ɣopa, ¹⁴ zâne-jenigzi sasac zâne fifi, sâqocne gapecmâc ee, ɣic biric borocne wiac igucnere doc babac-jopa, monen mafare harac eku maɣjenig ekicne, ɣic igucnezi hârâte biɣe hâcne! ¹⁵ Jaje hata dândânne i râpeckerâ qâsoriehuc Bileam, Beorore ɣokâ, ere kike hata bâjâpembig. E sâqocnere furi roocte andac eme ¹⁶ Wofuɣzi qaɣatara-ticnere haneckewec. Eme dongi dâɣ tâmiriczi ɣicdân dâɣehuc porofete bâbâsifucne e heckenewec.

Sâqocnere gisicben

¹⁷ Ɔic igucnezi opâ zizicne igucne, erâ mâɣânzi hâwec ficne sueme ra fe ware fe eekac igucne tinac. Ɔic i jaje ɣafe sananɣo dapâc qisiricko fisi-niɣte mukicne. ¹⁸ Jaje pacgoroɣ dâɣ erâ, ɣic qâpuc hata qâri qaqa jaha râpeckembig, jaje eatuc-jopaengopien, ehuc tiwâ zepeçzi gisicben eme sicne-jarepie fisipie qâturerâ sasac gie baengopien. ¹⁹ Ehuc ɣic zîɣuc jazaengopien: "Iguc erâ ningiɣ tâmiric sâcne juhâmozo", i jaɣacne sisipiricte ningiɣko fohuc iguc muengopien. Ɔic moczi wiac mocte kiɣan qaocmu, e wiac irec ningiɣko juocmu hâcne.

Hata ranqanao rislerâ kiɣsâko hurezo

²⁰ Manangopien, miti tâmiric jagere sohoɣ râpeckerâ Wofuɣ â bâbâpian Jesu Kristo mana maɣ embiɣzi ijaɣa mocwâc maickerâ qohotanigmu, ine mârâc juju bapa-jenig afecne sâqorehame zâhec juju bapa-jenig sâqore sananɣeocmu. ²¹ Ɔic igucne jaje tiɣne hata kâuc bahuc mi âtepie muzac boc mi sâqorezac; â hata i âtekicnezi tiri sâcmutâc dâɣ qazu-jarekicne i mocwâc igockehuc hata ranqanao rislepie ine sâqoreekac. ²² Ɔic igucne jaɣerao dâɣ zîɣuc mukicne i sananɣeekac: Qâto e nânâ maɣurâ ijaɣa mocwâc nâekac, â bec e opâ ruarâ izia sohoɣ ruaekac.

2:8 Ezeç 9:4 2:9 Korî, 10:13; Bar 3:10; Jud 1:6 2:10 Jud 1:7, 8, 16 2:11 Jud 1:9 2:12 Jud 1:10
2:13 Jud 1:12 2:15 3aî 22:7; Bar 2:14; Jud 1:11 2:16 3aî 22:28 2:17 Jud 1:12, 13 2:18 Jud 1:16
2:19 Joh 8:34; Rôm 6:16 2:20 Mat 12:45 2:21 Luk 12:47, 48; Jud 1:3 2:22 Muq 26:11

Wofunŋe dân racne mi eocmu

3 Jorocfâc-nane, ɲɔŋere papia zi qârenkehape jajahec ekac. No maŋ-
 ɲenŋic wiwickepe mitidân mi mana sifuckehuc sâcne mana taranŋte
 qârenke-gareekopac hâcne. ²Eme ɲɔŋe tiri porofete mârâc jaha dân
 mumbiŋ irec mecne â aposolofâc-ɲenŋic nâŋe Wofun â bâbâpiaŋte sâc-
 mutâc dân ɲazamben i mecne mâmâc manasuhuc junzepien. ³Ehuc qanaŋ
 ɲiŋuc mana sananŋkenzepien: Dameŋ bembenkezo eme ɲic âke sisicne
 fuarâ mufec muring dân muhuc sasac gie-jeŋicte hezâkirinŋerâ junŋmu.
⁴Ehuc ɲiŋuc munŋmu: "Wofun risieocte mukicne fârine weni? Kâcŋenefâc-
 -nâŋec hâmombiŋ, ehame wiac sasawa mârenŋ fuaweckonectean fowarehuc
 juwec iŋucnea fohuc jukac." ⁵Jage fugne ɲiŋuc mana-bipiehuc dân i muenŋ-
 gopien: Sambân e mârâc jaha fuawec â mârenŋ e iŋuc jaha. I Anutu dânŋtic-
 nere opâonec fuarâ opâheckoan fowec. ⁶Eme zâhec opâzia ɲic â wiac
 sasawa qâuruc-jopahuc bâsirowec-jopawec. ⁷Â sambân â mârenŋ zi foko-
 pirec ine Anuture dânzi sakarec-jofame zocte biŋe erâ fokopirec. Okac
 dameŋ maickeme ɲic sâqocne jage sipirickenŋte irec woŋec fokopirec
 hâcne.

Wofun e nânâcnere erâ dameŋ-ticne bâzoraekac

⁸Jorocfâc-nane, wiac moc zi kâuc mi banzepien: Wofun e ɲoaŋ gie bapa
 mocjahare maname jare-I tausenŋ tinac eekac â jara I tausenŋ irec maname
 ɲoaŋ gie bapa mocjaha tinac eekac. ⁹Wofun e dân muwec irec fârine bâ-
 fuaocte bititiehuc dameŋ mi bâzoraekac, ɲic gâcnezi manapie iŋuc tinac
 eekac. Aricne, e ɲic gâcnezi sipirickenŋipienŋte ɲɔŋere erâ woŋec juekac. E
 ɲic mâmâc sasawa maŋjenŋic bârisie-fârenŋte muekac hâcne.

Sambân â mârenŋ sirowezokopirec

¹⁰Wofunŋe dameŋ e râsi fisiengopien iŋuc jaha ututuŋ maickeocmu.
 Maickeme sambân e fânân sâko ehuc siroweocmu, â wiac hohonene
 sasawa i ɲoczi zafâreocmu, erâ wâc mârenŋ â fainao wiac bâfuakicne i ɲoczi
 zâsenŋeocmu. ¹¹Wiac sasawa sirowe-fâreocmu, irec ɲɔŋe pectâc juhuc
 miti sisirombe faio bajunzepien. ¹²Iŋuc ehuc Anutu dameŋ-ticne hejâpéhuc
 harac huac buc enzepien. Maickeme hâcne sambân e ɲoczi zârârânŋeocmu,
 â wiac hohonene sasawa i ɲocbârûŋko zâtâmireocmu. ¹³Nânâc ine sambân
 qâricne â mârenŋ qâricne fuaocte biŋe qanârekeicne, irec woŋec juenŋ-
 gopenenŋ, eme ira tiŋne jujuzi sâcke-fârerâ fozokac.

Mumutara â jambunđân

¹⁴Jorocfâc-nane, ɲɔŋe wiac iŋucnere woŋec juhuc ere maio maŋfuru â
 bahacmâc junŋte wawariehuc wamao jupie honec-ɲopame sâckezejec.
¹⁵Erâ Wofun-nâŋeczi dameŋ-ticne bâzorage munzepien, bâpiaŋ-nâpoocte
 ekac. Âgo bian-nâŋec Paulo e maŋqârân-ticnere sâcko dân irectean

3:1 Pet II, 1:13 3:2 Jud 1:17 3:3 Tim I, 4:1; Jud 1:18 3:4 Jes 5:19; Eze 12:22; Mat 24:48
 3:5 Mat 24:38; Mi Mâ 24:2; Fuf 1:2, 6, 9 3:6 Pet II, 2:5; Fuf 7:21 3:8 Mi Mâ 90:4 3:9 Hab 2:3;
 Tim I, 2:4 3:10 Tes I, 5:2, 3; Bar 20:11; Mat 24:29, 35 3:12 Jes 34:4; Jud 1:5 3:13 Jes 65:17;
 66:22; Bar 21:1, 27 3:14 Kor I, 1:7, 8; Jud 1:24 3:15 Rom 2:4; Kor I, 3:10

qârenke-garewec. ¹⁶ E papia qârenkehuc sâc dân i mufua rawec. Papia-tic-nao dân gâcne fokac irec fugne qame hukicne. Eme dân igucne i gic mutucne â biric borocne jage musifuckeengopien. Erâ i ere papiare sawa mâcne, miti papia gâcnere mâmâc ehuc sisipiric maickeengopien. ¹⁷ Âgo biângfâc-nane, ûndân qanag gazakicnere gic kosa jujune jâgere mumusi-fuczi. manggenic bânggorokeme dockenzipiente sawag-genic qahuc jun-zepien. ¹⁸ Ehuc Wofug â bâbâpiañ-nâneg Jesu Kristo ere aki anonocko â fugne-ticne mana utuckehuc soka sanag enzepien. E eri tatamac i jiguczia focnekac erâ juju sanag dameniko iguc jaha focne rahuc juzokac.